

Broj: 0602-2495-7-6/25
Sarajevo, 27.11.2025. god.

Na osnovu člana 70. Zakona o javnim nabavkama („Službeni glasnik BiH“ broj 39/14, 59/22 i 50/24), član 38. Pravilnika o javnim nabavkama broj 02-11-491-7/23 od 28.02.2023. godine i člana 47. Statuta KJKP „POKOP“ d.o.o. Sarajevo, a na prijedlog Komisije za javne nabavke konstatovan u Zapisniku o pregledu i ocjeni ponuda broj 0602-2495-7-5/25 od 19.11.2025. godine, Direktor d o n o s i

ODLUKU

o poništenju postupka javne nabavke
u otvorenom postupku

Član 1.

Poništava se postupak javne nabavke za „Nabavku zaštitne odjeće, obuće i HTZ opreme LOT 1 Nabavka zaštitne odjeće i HTZ opreme“ koji je provoden putem Otvorenog postupka, u skladu sa članom 69. stav 2 tačka d) Zakona o javnim nabavkama (Sl. glasnik BiH broj 39/14, 59/22 i 50/24) nijedna od primljenih ponuda nije prihvatljiva.

Član 2.

Ponuda ponuđača 6. Novembar d.o.o. Zvornik, Inkos export-import d.o.o. Kakanj i Patrio d.o.o. Sarajevo se odbijaju kao neprihvatljive u skladu sa članom 68. stav 4 tačka i) ZJN, jer ponude nisu potpune i ne ispunjavaju zahtjeve iz Tenderske dokumentacije.

Član 3.

U skladu sa članom 70. stav 6. Zakona o javnim nabavkama KJKP „POKOP“ d.o.o. Sarajevo će ovu Odluku objaviti na svojoj internet stranici i to istovremeno s upućivanjem Odluke ponuđaču koji je učestvovao u postupku nabavke.

Obrazloženje

KJKP POKOP d.o.o. Sarajevo je u skladu sa čl. 18. i 25. Zakona o javnim nabavkama pokrenulo Otvoreni postupak za „Nabavku zaštitne odjeće, obuće i HTZ opreme LOT 1 Nabavka zaštitne odjeće i HTZ opreme“. Na portalu javnih nabavki objavljeno je obavještenje o nabavci broj 775-1-1-108-3-89/25 objavljenog dana 29.10.2025. godine i u „Službenom glasniku BiH“ broj 67/25 od 07.11.2025. godine.

Kriterij za dodjelu ugovora je „najniža cijena“.

Na osnovu Obavještenja o nabavci i tenderske dokumentacije izvršeno je javno otvaranje ponuda dana 18.11.2025. godine u 10:30 sati, u prostoriji KJKP POKOP d.o.o. Mula Mustafe Bašeskije 38, Sarajevo, što je konstatirano u zapisniku o otvaranju ponuda u skladu sa Zakonom o javnim nabavkama („Službeni glasnik BiH“ broj 39/14, 59/22 i 50/24).

Komisija je na javnom otvaranju konstatovala da su svoje ponude predala 3 (tri) ponuđača i to: 6. Novembar d.o.o. Vuka Karadžića 148, Zvornik, INKOS export – import d.o.o. Kakanj, 311 Lahke brigade 153 i Patrio d.o.o. Hifzi Bjelevca 82, Sarajevo.



Komisija je prema članu 65. Zakona o javnim nabavkama pristupila pregledu i ocjeni ponuda, što je konstatirano u Zapisniku o pregledu i ocjeni ponuda, koji je sastavni dio ove Odluke.

Ponuđač 6. Novembar d.o.o. Zvornik, se odbija kao neprihvatljiva za Ugovorni organ iz razloga što ponuđač nije ispunio zahtjeve iz tačke 19. Tenderske dokumentacije -Tehnička i profesionalna sposobnost.

Ponuđač je ponudu i uzorke dostavio putem pošte na dan otvaranja ponuda. Dostavljeni uzorci su bili zapakovani u PVC vreći, na kojoj su bili naznačeni: naziv ugovornog organa sa adresom, naziv nabavke i LOT-a za koju se uzorak odnosi, te naziv ponuđača.

Ugovorni organ je u tački 19. TD propisao obavezan način dostavljanja uzoraka:

Napomena:

*Dostavljeni uzorci moraju biti zapakovani u **tvrdj** kutiji na kojoj je potrebno nalijepiti specifikaciju uzorka koji se nalaze u istoj. Uzorak obilježiti rednim brojem iz Obrazca za cijenu ponude (specifikacije) za koju se dostavljaju isti.*

U slučaju da dostavljeni uzorci ne odgovaraju uslovima iz TD ponuda će biti odbačena

S obzirom na to da uzorci nisu dostavljeni u skladu s navedenim zahtjevima, Komisija konstatuje da se ponuda ponuđača 6. Novembar d.o.o. Zvornik, odbija u skladu sa članom 68. stav 4), tačka i) Zakona o javnim nabavkama, jer ne ispunjava zahtjeve iz Tenderske dokumentacije.

Ponuda ponuđača „Inkos“ export-import d.o.o. Kakanj, se odbija kao neprihvatljiva za Ugovorni organ iz razloga što ponuđač nije ispunio zahtjev iz tačke 19. TD Tehnička i profesionalna sposobnost.

Ponuđač je bio u obavezi dostaviti uzorak koji u potpunosti odgovara zahtjevima iz Obrazca za cijenu ponude.

Pod stavkom 5. Obrasca za cijenu ponude zahtjevano je:

Radno odijelo-

Bluza - osnovna boja siva, sa kombinacijom crne, ravnog kroja, dužine do bokova. Kopčanje zatvaračem veće kvalitete cijelom dužinom prednjice, koji je pokriven našivenom lajsnom koja se kopča drucker kopčama, koje moraju da zadovoljavaju standard, EN71/1 STM F963, EN71/2 STM F963, EN71/3 STM F963, EN 1811; EN12472, ispod kragne na sredini i na pojasu. Pojas je našiven po dnu bluzona i na bočnim stranama je nabran, jer je u njega ubačena elastična traka, dužine 16 cm, širine 3,5 cm. Bluzon je presječen ukoso na liniji grudi i u drugoj boji, a ispod presjeka dva šira džepa sa patnom, zatvaranje na čičak traku. Na liniji struka se nalaze dva kosa džepa sa džep lajsnom. Kragna je oborena. Rukavi su uglavljeni, sa dvije falte i manžetnom koja se zatvara drickerom.

Na poledini bluze izvesti ili uraditi sitotiskom zaštitni znak firme KJKP „Pokop“ d.o.o. Sarajevo.

Iako je ponuđač Inkos export-import d.o.o. Kakanj je dostavio traženi uzorak, isti nije sadržavao vez niti sitotisk zaštitnog znaka KJKP „Pokop“ d.o.o. Sarajevo na poledini bluze, što je bio izričit zahtjev iz tenderske dokumentacije.

Na osnovu navedenog Komisija konstatuje da se ponuda ponuđača Inkos export-import d.o.o. Kakanj, odbija u skladu sa članom 68. stav 4), tačka i) Zakona o javnim nabavkama, jer ne ispunjava zahtjeve iz Tenderske dokumentacije.

Ponuda ponuđača Patrio d.o.o. Sarajevo, se odbija kao neprihvatljiva za Ugovorni organ iz razloga što ponuđač nije ispunio zahtjev iz tačke 19. TD Tehnička i profesionalna sposobnost.

U skladu sa stavkom 5. Obrazca za cijenu ponude, ponuđač je bio u obavezi dostaviti uzorak bluze sa svim tehničkim karakteristikama, uključujući zahtjev da se zaštitni znak KJKP POKOP d.o.o. Sarajevo, izveze ili uradi sitotiskom na poledini bluze.

Pod stavkom 5. Obrasca za cijenu ponude zahtjevano je:

Radno odijelo-

Bluza - osnovna boja siva, sa kombinacijom crne, ravnog kroja, dužine do bokova. Kopčanje zatvaračem veće kvalitete cijelom dužinom prednjice, koji je pokriven našivenom lajsnom koja se kopča drucker kopčama, koje moraju da zadovoljavaju standard, EN71/1 STM F963, EN71/2 STM F963, EN71/3 STM F963, EN 1811; EN12472, ispod kragne na sredini i na pojasu. Pojas je našiven po dnu bluzona i na bočnim stranama je nabran, jer je u njega ubačena elastična traka, dužine 16 cm, širine 3,5 cm. Bluzon je presječen ukoso na liniji grudi i u drugoj boji, a ispod presjeka dva šira džepa sa patnom, zatvaranje na čičak traku. Na liniji

struka se nalaze dva kosa džepa sa džep lajsnom. Kragna je oborena. Rukavi su uglavljeni, sa dvije falte i manžetnom koja se zatvara drikerom.

Na poledini bluze izvesti ili uraditi sitotiskom zaštitni znak firme KJKP „Pokop“ d.o.o. Sarajevo.

Ponuđač Patrio d.o.o. Sarajevo, je dostavio traženi uzorak, ali je na poledini bluze zaštitni znak izradio na termo tisak (presom), što nije u skladu sa traženim zahtjevom u Tenderskoj dokumentaciji.

Na osnovu navedenog Komisija konstatuje da se ponuda ponuđača Patrio d.o.o. Sarajevo, odbija u skladu sa članom 68. stav 4), tačka i) Zakona o javnim nabavkama, jer ne ispunjava zahtjeve iz Tenderske dokumentacije.

Komisija daje prijedlog Direktor KJKP POKOP d.o.o. Sarajevo da donese Odluku o poništenju postupka nabavke u skladu sa članom 69. stav 2 tačka d) Zakona o javnim nabavkama (Sl. glasnik BiH broj 39/14, 59/22 i 50/24).

Shodno navedenom Ugovorni organ je prihvatio prijedlog Komisije i donio Odluku kao u dispozitivu.

Pouka o pravnom lijeku:


Protiv ove Odluke može se uputiti žalba u roku od deset (10) dana od dana prijema ove Odluke. Žalba se izjavljuje Ugovornom organu u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Prilog:

- Kopija zapisnika o pregledu i ocjeni ponuda.

DOSTAVITI:

1. Ponuđačima x 3;
2. Nadležnoj službi;
3. a/a Preduzeća.



Sačinila

Kontrolu izvršila: